



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1063. Usque Ad Annum 1100

Fleury, Claude

August. Vind. [u.a.], 1761

VD18 90117964

§. 16. Epistola in Philippum Regem Franciæ.

[urn:nbn:de:hbz:466:1-66363](https://nbn-resolving.org/urn:nbn:de:hbz:466:1-66363)

Sæculum XI. *quam quatuor in toto mundo Patriarchæ
A.C. 1074. existant. Nihilominus hæc Dignitas
apud vos ex inopia rerum temporalium,
& accisa potentia, ita viluit, ut hujus-
modi tenuitas ne quidem in simplici Epi-
scopatus Sede toleranda videatur. Nos
equidem meminimus, Dominicum Patriar-
cham beatæ memoriæ, Antecessorem hu-
jus, qui modo Sedem tenet, ob nimiam
egestatem locum deserere voluisse; sed &
iste dicit, non minore se paupertate labo-
rare. Quapropter vos, carissimos filios,
admonemus, ut memores pristinae nobili-
tatis collatum vobis honorem & Apostoli-
cæ Sedis erga vos benevolentiam ulterius
non negligatis. Sed communi consilio de
remediis pertractetis, quibus antiquæ cel-
situdini conservandæ studeatis, nobisque,
quid actum fuerit, indicetis. Hæc epi-
stola trigesima Decembris anno millesi-
mo septuagesimo quarto data.*

§. XVI.

*Epistola in Philippum Regem Fran-
cicæ.*

Il. ep. 5. **I**nter hæc Gregorius Papa, in Philippum
Regem Franciæ magis magisque accen-
sus, ad illius Regni Episcopos Epistolam
dedit, in qua quot apices tot fulmina vide-
ri possunt. Speciaticim dirigitur ad Archi-
episcopos tres, Manassem Remensem, Ri-
cherium Senonensem, Richardum Bitu-
ricen-

turicensem, & Adraldum Episcopum Car-Sæculum XI.
 nutensem. In ea deflet Pontifex rui- A.C. 1074.
 nam Francici Regni, olim florentissimi
 & potentissimi, ac culmen honoris con-
 culcatis legibus collapsum. *Omnia cri-*
mina, inquit, apud vos sunt impunita.
Perjuria, Sacrilegia, incestus, proditio,
levia reputantur. Et, quod nusquam
terrarum, cives, propinqui, fratres etiam,
aliis alios in acie capiunt. Peregrini Ro-
mam pergentes aut inde revertentes vin-
ciuntur, in carceres conjiciuntur, acrius a
vobis quam ab Infidelibus torquentur, &
plura, quam pauperes babeant, crudeliter
exiguntur. Tantæ calamitatis auctor est
Rex vester, imo non Rex sed Tyrannus,
qui omnem ætatem suam flagitiis & faci-
noribus polluit, qui miser, infelix, & fru-
stra Regale sceptrum rotans, non solum
subjecti sibi populi crimina turpi ignavia
tolerat, sed etiam pessimo exemplo ad sce-
lera Ducem se præbet. Nec satis visum
est ei direptione Ecclesiarum, latrocinis,
adulteriis, perjuriis, fraudibus, nobis, ut
vitam emendaret, ne quicquam obsecranti-
bus, iram Dei meruisse, sed nuper merca-
toribus, ex aliis Regionibus in Franciam
ad nundinas proficiscentibus, prædonum
more magnam pecuniæ vim abstulit, quod
antebac a Rege factum fuisse ne quidem in
fabulis refertur. Vos vero etiam, Fra-
tres, extra culpam non estis, qui dum per-
ditissi-

Sæculum XI. A.C. 1074. *ditissimis factis ejus Sacerdotali vigore non resistitis, procul dubio nequitiam illius consentiendo fovetis. Nam si Regem vestrum a delictis cohibere contra jus & reverentiam promissæ ipsi fidelitatis esse putatis, longe vos fallit opinio, multo enim fidelior est, qui alium e naufragio animæ suæ vel invitum retrahit. Ceterum quod timeatis nihil est, quoniam vobis ad defendendam Justitiam constanter conjunctis tanta virtus foret, ut illum sine omni vestro periculo a consueta malefaciendi libidine revocare possetis. Quamquam vero etiam timor & periculum mortis immineret, vos tamen libertate Sacerdotalis Officii uti oporteret.*

Unde rogamus vos & Apostolica auctoritate monemus, ut communi consilio de ejus Salute & Regni periculo Regem alloquamini, quam nefanda sint ejus facta ostendatis, omni conatu obstinatum animum flectere studeatis, ut damnum mercatoribus illatum resarciat, quod si abnuat (sicut vos ipsi scitis) inde discordiæ & inimiciæ orientur. De cetero urgete, ut delicta sua corrigit, & relictis juventutis suæ moribus, justitiam reducat, attritam Regni Dignitatem & gloriam reparet. Tandem, ut ceteros ad ea, quæ relictæ sunt, facienda coercere valeat, ipse primus quæ sunt iniqua relinquat.

Gregor. VII.
contra
Philippum
Regem

Quod

Quod si vos audire noluerit, & abje-
 cto timore Dei, nec propriae gloriae jactu-
 ra, nec populi sui ruina moveatur, indica-
 te pertinaci, eum Apostolicae animadver-
 sionis gladium nequaquam diutius effu-
 gere posse. Vos quoque Ecclesiam Roma-
 nam Matrem vestram imitemini, ab ob-
 sequio & communione hujus Principis vos
 penitus separate, per universam Franciam
 omne Divinum Officium publicum inter-
 dicite. Quod si nec hujusmodi rigore vo-
 luerit resipiscere, nemo ignoret, nos nul-
 lam viam intentatam relicturos esse, qua
 Franciae Regnum a pessimo Domino libe-
 remus. Sane si vos in tanto negotio tepi-
 dos esse cognoverimus, non amplius dubi-
 tabimus, quin vestra socordia efficiat, ut
 corrigi nequeat, vosque ipsos sicut socios
 & complices scelerum ejus Episcopali pri-
 vatos Officio pari vindictae jaculo ferie-
 mus. Testis enim nobis est Deus, quod
 haec neque precibus, neque pretio alicujus
 ducti facturi simus, sed solo dolore tacti,
 quod tam nobile Regnum, & innumerabi-
 lis populorum multitudo unius perditissi-
 mi hominis culpa pereat. Haec epistola
 decima Septembris anno millesimo se-
 ptuagesimo quarto data est.

Eodem stilo elapsis duobus mensibus
 scripsit Papa Guilielmo Comiti Picta-
 viensi. Iterum queritur de rapina, qua
 Rex mercatores illos Italos violasset,
 horta-

Saeculum XI.

A.C. 1074.

II. ep. 18.

Sæculum XI. hortaturque Comitem, ut cum Episcopis
 A.C. 1074. Proceribusque Franciæ operam jungens,
 Regem ad emendandam vitam & par-
 cendum peregrinis Romam petentibus
 permoveret. Nam hæc duo præ ceteris,
 nempe salutem peregrinantium & mer-
 catorum, Pontifici cordi fuisse nemo non
 videt. Tum subjungit: *Si Rex in erro-
 ribus perseveret, eum a Communione Ec-
 clesiæ in Concilio Romano separabimus,
 omnesque illos, qui ei honorem exhibebunt,
 & obedientiam alias Regibus debitam
 præstabunt. Quæ Excommunicatio sin-
 gulis diebus supra Altare S. Petri confir-
 mabitur. Diu enim ipsius crimina dissi-
 mulavimus; nunc vero invisum omnibus
 Bonis & intolerabilem usque adeo se reddi-
 dit, ut si etiam tanta potestate valeret,
 quantam Imperatores Gentiles in SS. Mar-
 tyres exercuerunt, nihil nos detertere pos-
 sit, quo minus ab iniquissimo Principe se-
 verissimas pœnas exigamus.* Ejusdem
 II. ep. 32. generis comminationes in Philippum Re-
 gem Franciæ addidit Gregorius, cum
 Manassi Archiepiscopo Remensi mense
 Decembri sequente scriberet. At nul-
 lum in Francia effectum has epistolas se-
 cutum fuisse legimus.

§. XVII.

Concilium Rotomagense.

Eodem anno millesimo septuagesimo
 quar-